

# **SESSION GUIDES**

## **Alternative Learning System- Accreditation and Equivalency (ALS-A&E)**

**Secondary: Expanding One's World Vision**

**Mag-isip Nang Pandaigdig, Kumilos Nang  
Pambansa**



**USAID**  
FROM THE AMERICAN PEOPLE



**Save the Children®**



**ASCEND-Mindanao**  
Assistance for the Comprehensive Educational Development of Mindanao



**March 2006**

---

Jointly developed by the DepED BALS and the Save the Children Federation under the ASCEND-Mindanao, a program made possible with the generous support of the American People through the USAID.

**Mag-isip nang Pandaigdig, Kumilos nang Pambansa**  
Session Guide Blg. 3

**I. MGA LAYUNIN**

1. Nakapagbibigay ng mga paraan upang mabawasan at malunasan ang mga suliranin at isyu tungkol sa AIDS at basura
2. Nakatutulong sa mga proyektong pampamayanan na kaugnay sa mga suliraning pandaigdig tulad ng AIDS at basura
3. Naipakikita ang kakayahang makiisang damdamin

**II. PAKSA**

- A. Aralin 3: Ikaw at ang mga Pangyayari sa Mundo  
Kasanayan sa pakikipamuhay: Kakayahang makiisang damdamin
- B. Kagamitan: modyul, illustration boards, pencil, pentelpen, crayons

**III. PAMARAAN**

**A. Panimulang Gawain**

**1. Balik-Aral**

- a. Anu-ano ang isyu o suliranin na may kaugnayan sa maraming bansa sa buong mundo?

**2. Pagganyak**

- a. Awitin ang “Masdan Mo ang Kapaligiran”.
- b. Ano ang nilalaman ng awit?
- c. Ang suliranin ng basura ay isa sa mga pag-uusapan natin ngayon. Bakit kaya?

**B. Panlinang na Gawain**

**1. Paglalahad**

- a. Pag-usapan ang kalagayan ng basura sa kani-kanilang barangay.
- b. Ipabasa ang pahina 30-34 ng modyul.
- c. Pangkatin ang mga mag-aaral sa dalawa.
- d. Batay sa nabasa, ipagawa ang poster sa unang pangkat tungkol sa pagsugpo o paglunas sa suliranin sa AIDS. Ipagawa naman sa pangalawang pangkat ang tungkol sa pagsugpo o paglunas sa suliranin sa basura.

## 2. Pagtatalakayan

- a. Pabigyan ng paliwanag sa bawat pangkat ang ginawang poster.
- b. Itanong:
  - Ano sa tingin mo ang pinakamabisang paraan upang malunasan ang suliranin sa AIDS?
  - Paano malulunasan o mababawasan ang suliranin sa basura?

## 3. Paglalahat

Bayaang ipaliwanag ng mga mag-aaral ang mga tanong na sumusunod?

- a. Bakit kailangang kumilos ang pamahalaan tungo sa pagpuksa ng virus na HIV?
- b. Bakit dapat katakutan ang AIDS?
- c. Ano ang epekto ng AIDS sa ating kalusugan?
- d. Bakit mahalagang mapangasiwaan ang basura?
- e. Ano ang magiging bunga ng hindi tamang pamamaraan ng pangangasiwa ng basura?

Mahigit kumulang na sa 1500 ng Pilipino ang positibo sa HIV. May 20 milyon na sa buong mundo ang positibo sa HIV. Marami na ang pumanaw dahil sa kumplikasyong dala ng AIDS. Ang AIDS ay umaatake sa immune system ng tao. Dahil dito nawawalan sila ng panlaban sa ibang sakit.

Itanong: Ano ang natutunan mo sa araling ito?

May mga paraan para mapangasiwaan ang basura. Kailangan lamang na matuto ang mamamayan na paghiwa-hiwalayin ang basura—basurang nabubulok sa basurang dinabubulok. May mga paraan din para magamit na muli ang basura.

Tukuyin o ipasabi sa bahaging ito ng aralin ang recycling.

## 4. Pagpapahalaga

- a. Bilang isang mag-aaral, paano ka makatutulong para masugpo ang paglaganap ng AIDS?
- b. Paano ka makatutulong para mapangasiwaang maayos ang basura?

## **5. Paglalapat**

- a. Kung sasali ka sa isang proyekto sa pagsugpo ng paglaganap ng AIDS o kaya'y paglutas ng suliranin sa basura, ano ang dapat na maging layunin ng proyekto?

Halimbawa ng mga layunin:

- Naipaaalam sa pamayanan ang mapait na epekto sa kalusugan na dulot ng AIDS gaya ng mga sumusunod:
  - nagpapahina ng immune system ng tao
  - nakamamatay na sakit
  - pandemic na sakit na nakaapekto sa humigit-kumulang 20 milyong to sa buong mundo
- Naisasagawa ang paraan sa wastong pamamahala sa basura tulad ng:
  - paghihiwalay ng nabubulok sa di-nabubulok na bagay
  - paggawa ng kompos mula sa nabubulok na bagay
  - i-recycle ang dapat pang pakinabangan

## **IV. PAGTATAYA**

Sumulat ng isang sanaysay sa sumusunod na tanong: Bakit pandaigdig na isyu ang AIDS?

## **V. KARAGDAGANG GAWAIN**

Maghanap ng lathalain tungkol sa pagsugpo sa AIDS at wastong pamamahala ng basura.

Alamin sa inyong pamayanan ang mga iba't ibang organisasyon na maaaring dulugan upang masugpo ang mga suliraning dala ng AIDS at basura.